

Наг рече: Изыдох из чрева матери моя наг, и отиду паки. Господь даде, господь и взя, и яко же господеви изволися. Буди имя господне благо-словенно во веки.

Но на подлежащее возвратимся.^н О пренесении святых мощей.^н В четвертый убо день по бывшем оном великом пожаре возгореса огонь божественныя любве в сердца архимандрита Саватия, яко поистинне началника ограде. Советует убо совет благ и изряден с сущими иноки обители тоя, да обновится юность лавры тоя, яко орля и не точию обители тоя, но всего града, да примет церковь паки в недра своя сокровище неоскудное и да облечется паки в лепоту своя красоты. Призывает убо первое освященных благови мужей и начальники града. Стекает же ся и христоролюбивый народ, мужи, и жены, и дети, радостию велиею испол||нившиеся, со кресты, иконами и с воздыханием сердечным на пренесение идоша. Хвалу убо град сей и удивляюся ему яко боголюбив! Забивше убо вси кииждо своя житейская попечения в сие радости, сердца вселяхуся,^н шедше убо в божественный храм святого Иоанна Златоустаго на месте Коровники именуемо, расстояние поприще от града имеа. И рукама божиих слуг вземается святой гроб, в нем же три святии божиини угодницы, и на раменах носяще с рыданием слез от радости веселяхуся, яко обретше користь многу, со псалмы, с песнями, и пении духовными воспевающе господа, идоша в путь свой. И внегда тем несомым быти, воздух убо веселяшесь, солнце же лучи свои ясно на землю испусти, преже бо згустившися виден бяше воздух. Внесше убо во святую церковь обители болепнаго Преображения и в прежеуготованнем месте по||ложиша святыя многоцелебныя мощи благовернаго князя преподобнаго Феодора с чады и довольно молебствовавши, благодарственныя песни богови воздаша. И тако убо честная та обитель обновися, яко от зимы и на тихую весну преложись, и възыде паки на древнее величество и доброту благолепия своего. Еже премилостивый Христе царю, даждь обители сей и граду нашему расти, яко младенцу, и разширяться, яко преже, и пребывати в мужестве совершенно и до скончания века сего и до славнаго пришествия твоего. Тщание же и прилежание архимандрита^р Саватия и еромонахов и сущих с ним о Христе и братии и священных иереев градских, пастырей наших и отец любезнейших, по еже отселе отхождении, да сопричтеша к числу избранных твоих первосвященник и да спо||добиши их владыко пети тя с ними в бесконечныя веки в превышнем и святем храме божественныя ти славы аки возлюбльших от всея души и потрудившихся в пренесении мощей святых. И нас молитвами их святыми сподоби проче живот наш. Благоугодно пред тобою пожити со всяким смиренномудрием, и праведными делы, и истинною, и чистотою поющих и славящих отца безначальна, сына со-безначальна, духа святого соприсно сущна. Ныне и присно и во веки веков, аминь.

(ГИМ, собр. Уварова, № 612, лл. 102—110 об.).

^{н-н} Написано киноварью. ^{о-п} Эти слова заключены в квадратные киноварные скобки. ^р Испр.; в ркл. архимарита.